

桂

軒

藁

桂軒藁卷之五

奉議大夫春坊庶子兼翰林侍講
經筵講讀官廬陵夏溪周吉
賜進士奉議大夫戶部郎中南溪劉忠評
奉議大夫江西按察司提學僉事莆田黃仲昭重評
七言律詩

快閣次文丞相韻

萬里間關執漢幢百年誓不此心降
匿孤今日難存趙擊楫何人更渡江
忠憤填胸終死國皇天無意再
興邦可憐快閣題詩處千古風雲護夜窓

蜀評激烈

夜泊楊州次伍子和韻

晚呼舟子泊江沙懷古思鄉詎有涯越嶺何年還杖屨隋宮無處問繁華帆檣水國三千里燈火樓臺幾萬家自咲不才非博望頻年來泛海天槎



分明唐人語

和李正夫對月遣懷韻

天上銀蟾幾缺圓人間離合亦同然狂歌自咲乾坤窄醉倒不知衾枕偏何用功名鍾鼎上但教歡樂酒罇前禁城咫尺人如玉賦到薰葭第幾篇

贈許天爵二首

十年不見許眉州京國相逢感舊遊
奏最喜承天子問論心重上叔寬
樓曾聞父老甘棠詠好是龔黃舊
日流欲比吾兄冰蘂操蛾眉山月
一輪秋

又

五馬雙旌歷兩州瞿塘三峽舊經
遊使君不減黎侯政蜀士重銘遠
景樓交誼幾年仍舊雨歸舟十月
是安流錦城消息煩君寄萬里相
思易白頭

顧總戎邀飲興國寺次邵同寅汝學韻

佳境真如閬苑西清風冠蓋一時
齊飛觴於我頻勸落日催人故故
低獨愛松間千歲鶴不聞雲外一

聲鷄僧房暫息心如水洗我煩襟萬斛泥

次邵汝學韻謝顧總戎

篋裡兵書束素絲將軍幸際太平時投壺盡日延賓客推轂何年恆夢思絃管滿城歡士女芙蓉開匣走妖魘糗餐惠我深將德誰謂崇儒不在茲

送陳邦直司訓之宜山

弟子群中最白眉十年南北嘆睽離探窮今古書齊卷不得姮娥桂一枝酌酒與君多舊話贈言於我有新詩行上勿薄宜陽教坐擁春風擬浴沂

賀鄭同年叔亮生孫次邵汝學韻

我愛賢孫似玉枝呼公正是黑頭時

叔亮時年四十故云

君看

英物為家寶我賦新詩當賀儀通德門前排俎豆分
甘堂上足娛嬉他時定繼箕裘業便是君家久遠期

諸葛孔明祠二首

將相兼權蓋世豪南征北伐豈辭勞功名詎料三分

漢籌策深知十倍曹

黃

三今漢十倍曹對偶精切許用晦不能多也

炎祚已隨天運改中原遙隔蜀山高荒祠再拜瞻遺

像古木春風野鳥號

又

三代遺才獨有公草廬傾蓋識真龍委身不負君三

顧討賊先陳疏兩封獨恨吞吳成間隙非干取益未
從容莫將功業論成敗猶待千年紹漢宗

議論正當

夏日省中即事

綠槐風細乳鴉飛坐看碑堦樹影移性懶最宜公事
少日長誰促簿書期二毛敢謂淹郎署十載深知負
寵私紙帳梨床饒午睡起來三復伐檀詩

雙輓卷為同寅羅時泰賦

阿翁節義梁鴻輩而母貞風德耀賢北闕

封章光死後西涯文字述生前鳳毛冠佩彤池上馬

鬣松楸益水阡誰豎豐碑高數尺道傍騎馬看新鐫
送蕭宗魯赴任二首

京華幾度長相憶消息傳來解百憂今日開懷燕市
酒十年聽雨郭家樓簿書咲我淹蘭省教鐸憐君到
吉州寄語故人楊舉子荔枝陰底莫遲留

又

先生規範任從容教歷延安兩郡中坐見文風千里
浹不知吾道幾人東靡蕪滿院看生意首荷堆盤勝
晚菰料得杏花壇上講故交應有士希同

雨中感懷次前韻

久雨都城泥沒膝不知行路可能憂有時潦水浸蝸
舍無限陰雲礙鳳樓薄劣未能裨

上德尊鱸何敢憶南州閉門隱几成枯坐空愧淵明
任去留

又

馬蹄終日走塵容世事都歸感慨中誰學魏公歸鄴
下獨教王子隱牆東十年征路徒悲梗五畝何年更
種菰欲寄此身天地外不知今古幾人同

送林思紹尹莆田

莆田縣裡初分宰郭隗臺前此送行落日離心催發

輒春風回首憶登瀛豪門書劄從今絕原野萊蕪劫
雨畊莫道政成人不識口碑傳誦自分明

送張邦兆歸蜀省親

詔許寧親蜀道歸路人爭看此男兒暫趁白髮承顏
地正想

金門待漏時萬里山川新綵服百年忠孝舊家規如
君此樂今能幾陟岵無煩更賦詩

次邦兆乃尊方伯韻二首

松菊蒼苔石竹斑阿翁歸老此中閑笑人趨走風塵
裡輸我從容水石間勇退尚懷庄

主術旬宣猶記濟時艱箕祿有子能傳業燕樂揮金
且莫慳

又

卧看諸子舞衣斑幾箇如公便得閑綠野心情繩檢
外劍門山色有無間千年幸際
明良會十載深知稼穡艱三徑日開供咲詠菊松無
復諂詩慳

送姚應龍令新喻

西江大邑稱新喻出宰多煩我輩人黃甲舊承
天上賜碧桃新長縣中春青霄事業酬

明主赤子瘡痍任此身見說東洲居士在日聞清論
莫嫌頻

送梁惟敬省兄還五羊

江南客子省兄歸正值長安二月時冰泮潞河春水
潤寒辭燕市日光遲孤舟夜雨彭城夢千里晴雲瘴
海思相送何須折楊柳為君三誦渭城詩

過徐州有感

使旌又向彭城過細柳薰風舊路蹊舟棹下洪湍水
惡僕夫牽纜和歌齊沐猴人去遺墟在放鶴亭空落
日低我欲憑高望

京國白雲烟樹眼中迷

王予昔過徐有逝水不隨劉裕盡青山曾
識項王來之句寂為桂軒所賞然視沐猴
放寵則予又當風斯下矣

吊蕭伯鉉太守

義氣何曾讓古人歷揚中外廿年春度支財賦輕劉
晏刺史循良共信臣鑄石有文章令德傳家無子拜
荒墳仁人壽矣成虛語我恐皇天亦不仁

送黃玄壁下第歸江南

京華燈火三年業嶺海風波幾日還不為功名渾落

赬抵緣親舍久遠願八千里外歸萊絲一寸心先到
庾闕回首杏園春更好首君騎馬曲江干

次江太守留別韻二首

五馬翩翩出

帝京馬頭紅日萬山明繞攀楊柳河邊別便憶梅花
嶺外情趙抃素琴隨處好江淹別賦向人鳴詩成我
後憐才澁和潯陽闕第幾聲

又

使君惜別醉瑤京三尺吳鉤照膽明
歸馬想應讀舊路凌江今已憶高情心懸

魏闕瞻齊政諒嶺道便鄉關見自鳴貴溪回首庾關
逢北使折梅千里寄新聲

挽懶齋處士

俯仰無慙乃大佳山中泉石老形骸年踰七十頗稱
意見亦英竒不掛懷芳草池邊春夢短少徵天上夜
光埋耆英會裡盟詩社唱和于今少懶齋

題吳指揮致仕卷

遼東老將功成後洗馬春流解錢衣百戰山河無舊
夢滿庭歌吹舞新姬班超老去心猶赤王翦歸來髮
已絲見說寧馨真將種盡將韜畧一傳之

次趙提學遊白雲寺韻

不到白雲今幾秋幸陪驄馬得同遊
青山綠水仍依舊澗草汀花不管愁
萬里乾坤歸眼底百年憂樂到心頭
勞君惠我陽春句自笑非才也唱酬

黃評遊覽而懷天下之憂樂非真有忠愛之心者何足以語此

別同年曹時中僉憲

兩顧勞君憲節來幾年懷抱到今開
青鐔且對故人酌盡觴何妨候吏催
楊柳謾從南浦折梅花先寄北人回
同年聚首又何日千里相思未肯灰

謁張文獻祠

開元賢相誇姚宋
謬輸公第一流
抗疏不容牛氏
相覆師先識
羯奴謀曲江
祠古千年祀
揔月堂空一
土丘再拜遺容出門去
蕭蕭林木不勝秋

舟中漫興二首

秋去冬來傷歲暮
南馳北逐嘆途窮
百年得喪心如
錢一路風霜髮易蓬
故國關山詩卷裡
異鄉人事酒杯中
江湖廊廟憂盈抱
不獨思家意萬重

又

不獨思家意萬重
百年懷抱幾人同
東南財賦少劉

晏西北干城誰耿恭數十舟航寒水外尋常猿鶴暮
烟中滿前搖落皆堪賦誰謂悲秋宋玉工

宿玉山布政分司值雨言懷

薇省清宵寂不譁北風如割透窓紗慈烏遶樹呼寒
雨童子挑燈落夜花懷玉夜寒更漏永邯鄲枕煖旅
魂賒可憐賈島忘情甚却望并州即是家

竹軒為致仕蕭方伯題

英雄老去薜薇省勇退歸來卧竹軒養得孤高凌雪
霰却將蒼翠洗囂煩元卿直許重開筵袁尹從教數
到門回看金張歌舞地東風飛李幾曾存

次李碩夫鄉思二首

宦轍頻年髮欲華紅塵况味有何嘉
十年兒女燈前話百越風烟夢裡家
江北不堪悲橘枳嶺南誰復寄梅花
令人苦憶陶家宅五柳陰中傍水涯

黃評

押家字韵一聯寓入唐人集中恐未易

辯

又

馬蹄無日不東華誰道吾兼吏隱嘉
五嶺交親疑半鬼十年萍梗笑無家
庭培桑梓添新綠手植橙梨發舊花
昨夜夢歸未得暫憑官職作生涯

次李碩夫韻答陳仲芳鄉思之作

太平

天子協重華似我非才亦

寵嘉卽署十年慚致

主使車千里敢言家行囊不貯蒲萄種遠信空裁繭
紙花直北長安時極目薊雲燕樹杳無涯

次官汝清傷雨韻

久雨淋漓水溢城汗渠何處覓深清九達迢迢埋車
轍八表塵濛惱客情平地黍苗隨汨沒逆流鷗鳥任
縱橫遣愁三酌麻姑酒不學沉酣阮步兵

次宮汝清留別韻

岐路東西且莫分呼童沽酒醉荒村相知不用時看
劍世事無憑祇閉門少日功名成老大百年天地等
朝昏從今相見須傾倒莫待流光鏡裡奔

次張儀部企翱留別韻

看花長憶舊時情萍水重逢眼倍明誰惜文園病司
馬未容杜曲老元卿關心丘壑十年別到手功名一
羽輕留得此心忠赤在不妨頭上鬢星星

過嚴先生祠堂

故人不是湯文輩此老徒追伊呂風桐水有情群野

鶴諫垣無意補山龍雲臺蕪沒空名漢釣石崢嶸尚
屬公我過祠前三稽顙千年香火儼遺容

次尹宣文贈行韻二首

梅子成坡我復來十年懷抱一時開艤舟江滸二三日
拍手尊前幾百杯花徑咲談忘主客柳營旌節肅風
雷洪都庾嶺還相接從此逢春為寄梅

又

音書兩寄玉京來喜甚燈前浣手開夜月池臺千里
夢春風絃管十年杯北溟奮激凌霄翮南嶺聲名吼
地雷更賀邊城無一事大開東閣詠官梅

次前韻答周司訓

千里神交不約來，咲顏今日為誰開。
尊前莫作離群惡，江上仍携送別杯。
贈我好詩凌鮑謝，看君高義迫陳雷。
故人期我和羹業，淺薄慚非傳說梅。

次前韻答林司訓

好似乘船訪戴來，一時傾蓋壯懷開。
相逢未擬償詩債，揖別先須送酒盃。
東郭白雲西郭樹，南山紅日北山雷。
天涯正爾相思苦，江上何人奏落梅。

田評有唐意

次韻遣懷

便道鄉閭喜往來堂名畫錦對江開
綵箋通姓門前客青眼留人月下盃
卷裡詩歌多沈謝座中朋舊半陳雷
逢人不是無消息大庾如今未有梅

結句佳哉

次林司訓贈行韻

不用逢人說獨賢酒杯詩卷亦神仙
幕天席地劉伶趣愛

國憂

君社子篇白水青山行客景雲風
滂雨早秋天熱官十載成何事不及
先生一冷壇

次鄭時用韵留別二首兼寄黎景升

三年雲水傷離別，幾負詩筒之傳郵。桑梓春風懷穗石，甘棠今日頌嚴州。低昂世事甚翻局，搖蕩鄉心浪打舟。撫掌笑談兼對酒，一宵風雨為君留。

又

一別故人經幾秋，恨無黃犬作書郵。不知今夕是何夕，却在嚴州說廣州。宿草雨荒嚴子宅，布帆風送富春舟。金華半刺清如玉，安得高談竟日留。

讀諸葛孔明傳

三顧隆中方，釋耒君臣魚。水欲何如劉，朝舊物期興。

復漢賊中原誓破除血食竟能延赤伏忠貞不負託
君儲區區陳壽何為者千載誰平入寇書

挽陳處士

人間重見太丘賢月旦評書又獨先取友直期千古
上貸貧那惜萬金捐少微星殞光沉浦華表鶴歸秋
滿天子姓多賢公瞑目百年何用戒平泉

次新喻分司壁韻兼寄鄒濟時僉憲

觀風隨處駕星車又是江城三月餘雨勒石榴紅未
放天晴萱草碧初舒案頭檢閱新刊例囊裡搜尋舊
讀書咲我宦途猶跋涉山中高興欲可如

題劉尚書夫人哀挽

夫人貞淑閔睢德萬女群中亦絕倫夫子經綸唐宰
相兒曹綱紀漢臺臣北堂雨雪凌護草南澗風烟怨
藻蘋坐享人間全盛福東風八十八回春

次弋陽分司黃九成韻

畫船又過大江東回首雲霄限
九重今日何才禪

國計十年無策補

山龍擘菱南旺時方暑飲菊西安歲漸冬
明日前程何處所布帆東浙掛秋風

次前韻送麥景實

葛溪聚首未三月把臂尊前可厭重江上星槎慚博
望眼中豪氣見元龍一聲白鴈送霜信滿樹黃柑催
早冬明發不堪南北別看君千里駕長風

周天敘

是嘗窺唐人藩籬者

送周天敘出使于閩順道省親

我愛君家髻未華可人文采際亨嘉八千里外新持
節三百人中舊探花征旆遠飛閩海月綵衣仍過越
南家平生却咲乘槎客肯把清劄載使車

次鄭侍御從儉見寄韻

節槩生平百煉金
冰清不許一塵侵
紅綢憲府諸清
論獻納

君門露赤心

時從儉上明良錄故云

草綠都門春色早
雪消淮

甸暮流深相逢把手又相別
莫惜平安兩字音

送婁克讓繡衣提學次鄭從儉韻

神羊衣上繡黃金
不受紅塵半點侵
盛夏有霜飛白
簡太平無疏只丹心
埋輪北薊清風在
持斧南都化
雨深料得人才丕
變後百年風雅起
淳音

次謝用誠見寄韻

前日相逢郭隗臺
春風又見杏花開
宦途笑殺長漂

硬客路煩君數寄梅平度諸生方悅化信州遣教肯
以灰故人期我經綸業却惟天公限不才

送進士姚廷述歸省

曾對彤墀翰墨孤

九重詔許暫歸與邑人却訝新題柱閑吏爭看舊棄
繻戀

闕長懸天上夢望雲遙指粵中居萊衣舞罷須回首
正是

重瞳側席初

送張廷臣令湯溪

初君今已去，溪去作牧應須似古人。紛紛調虎單父
暇清歌聲沸武城春。翩翩雙鳥都門路，渺渺孤舟浙
水津。欲折垂楊贈君去，長亭斜日正消魂。

次陳仲芳登石頭城韻

王氣東南問世鍾，我來登眺仰

英雄。清朝疆域還堯服，前代虛無陋晉風。虎踞龍蟠
千載固，車書文軌萬方同。不須王會圖邊省，一統華
夷在眼中。

思敬軒

俯仰堪輿如許大，問君何處着工夫。看他潑上元何

自我惺惺是入途暗室有天皆監視鑿臺無主便
几蕪不知踐履成功後收歛還容一物無

安仁舟中秋對月

秋色平分此夜幽月華隨處照孤舟光搖天地冰輪
滿影落山河玉宇浮何處笙歌堪對酒誰家兒女謾
登樓興來賦得憑誰和喚起能詩許郢州

舟中聞書所見

扁舟今日安仁道隔水人家半草廬背日帆牆更遠
近臨風花竹半蕭疎山童掃葉時煨芋村婦燒燈夜
捉魚

清湛短述故教七頌醉中言

少廣載道冬夜感懷韻

栗烈生寒凍夜瓶謾將杯酒遣沉冥尊前祇合教長
醉世上無勞咲獨醒攪夢不堪風裡雀爭先仍見月
邊星眼前物色惱人甚自起籠燈賦不平

桂軒藁卷之六

奉議大夫春坊庶子兼翰林侍講經筵講讀官廬陵宣溪居士臣評
賜進士奉議大夫戶部郎中南溪劉忠評
奉議大夫江西按察司提學僉事前翰林編修莆田黃仲昭重評
賜進士江西南昌府進賢縣知縣門生吳璉編次
賜進士江西臨江府新淦縣知縣門生盧淵校刊
七言律詩

代內贈

夫君將

命賞邊郵不似狂夫愛遠遊執手恥爲一丈慙

先及廟堂憂風霜栗烈宜加護閑塞駢莫漫愁
願回程湏及早古來離別白人頭

得內贈體

答內贈次前韻

九重朝遣使邊郵敢謂賢勞萬里遊堂上蘋蘩湏自
薦客邊飢渴莫深憂長安兒女三秋別明月關山兩
地愁問我今宵何處宿居庸關上看旌頭

過德勝門

朝辭

金闕出長安德勝初過第一關跋涉山川寧謂遠客

詢心事不曾閑雲

宮殿頻回首望裡烟花強破顏自古皇華臣子事載
馳何敢便言還

次榆河驛

皇華首站榆河驛偶遇元戎半日談坐促庖人炊午
飯旋呼津吏換征驂幾家市井通燕北何處雲山望
粵南三酌茅柴仍上馬朔風蕭颯鬢髮參

出居庸關

手持使節過居庸別有乾坤入望中老將旌幢殿節
鉞層城樓櫓倚崦峒山盤龍虎關逾望

更雄去去不煩關吏問我曹非是棄繻童

出關後口號

重關一出旅魂消白草黃雲入望遙野鳥撩人羈思惡
邊風吹我鬢毛焦危墻壘石三家市急水奔流獨木橋
此景縱教收拾盡不應無處借詩瓢

懷來道中值雨

馳車直北走懷來細雨霏霏隱隱雷我僕莫愁征旆濕
天公應為此詩催黑雲欲壓邊城墮險路長防驛騎
顏安得天晴如昨日大陀山上望蓬萊

望懷來城柬吳水部

少時見說懷來衛今日懷來在眼中禾黍高低連漢
土邊垣繚繞障腥風軍靡整飭元戎老
王事賢勞水部同千里前驅多負弩相如使節未為
雄

次榆林驛壁韻

奔走十年名利場雲萍踪跡底須傷謾憐西域張騫
老不效窮途阮籍狂日落榆林堪駐馬曙分
楓陛憶含香吾儒事業隨窮達誰謂留侯獨善藏

復次前韻

夜枕邯鄲夢一場榮枯安用重悲傷
挽髯不覺鏡後

白掃壁題詩咲我狂塵世可能身事了竹書何用焚
名香過城歸橐無餘物點檢青萍舊所藏

宿懷來公館

戴笠披壇冒雨行懷來公館駐雙旌庖人具黍炊煙
濕邏卒知更抱柝鳴今夕土床聊展足明朝羸馬莫
兼程水曹視我如兄弟共話青燈直到明

土木驛感興和壁上詩

客邊懷抱未全寬下馬官亭暫解鞍食肉豈知中野
餓攤貂誰念外邊寒

先皇幸虜金根遠壯士捐生鍊騎單回首不堪感俯

仰况逢搖落又秋殘

保安道中

白草黃沙沒使車
保安城郭均中賒
牛羊隴上西風
緊鳥雀林邊落日斜
家信浮沉南度鴈
鄉心寥落北城笳
東西奔走渾無定
敢望

金臺即是家

黃詩

中四句寫出邊城慘澹之景客途寥落

之懷宛然在目所謂有聲之畫也

次鷄鳴驛題壁

鷄鳴山畔雞鳴驛
驛即驛亭一憩之
且抱衾裯懷凍

足更將衫袖拂塵髻誰詢趙女磨笄處代王夫人處
夫人遂磨笄自頗憶唐王駐驂時唐太宗伐代過此
殺因名磨笄山聞雞鳴又名雞鳴
山歇馬不須尋故事且從閭里問羈疲

宣府公館偶書

聖朝偃武重脩文何事開邊數

上聞獨石不傳清海箭萬全閑殺黑纓軍我思李牧
真成笑誰罪陳湯倖策勲欲進封章二三策叫開閫
闔轂吾

君



感時撫事諠然有愛君憂國之意

出宣府口號

曉來足馬度洋河
颯颯秋風起白波
普度橋傾人病涉
西望碑古我摩挲

西望山名上有遠國望山舍利之碑

風沙不動思

鄉念道路長懷遣使歌行過邊城無一警只聞邊將欲接戈

抵雲中

行行匹馬到雲中未及深秋便朔風
鏡裡形容怕憔悴客邊衣服恐蒙我不聞
關塞有烽火莫怪將軍無戰功
目覩太平何以報但歌既醉頌重瞳

按山西通志程嬰公孫杵臼皆晉人其墓在

忻州夷考其行真古義士也三復景仰偶成
此詩

義烈長垂汗簡光遺編三復仰餘芳捐軀易美爭先
死存趙難兮忍後亡豫讓一生徒慷慨荆軻千載足
淒涼他時騎馬經遺墓定把椒漿奠其觴

按王昭君墓在大同城西三百里即古豐州
地因援筆書此

漢帝御戎何大拙却令紅粉事和親嬋娟一去不復
返衛霍空慙作虎臣環珮歸魂隨漢月琵琶彈淚濕
胡塵西中不怨毛延壽千載哀音怨奉春

大同上郭都堂子聲

唐室汾陽第一功
今看孫子有餘風
激揚千里冰霜
肅坐鎮三邊節
鉞雄胡虜破除談
咲裡謨謀出入廟
堂中

聖明有待虛東閣
誰謂姬公久在東

登大同北門城樓有感

閑上高樓第一層
千秋遺恨望中增
王顏底事埋青
塚隆準何年困白
登御水尚遺金帥
碣方山猶有魏
家陵登臨吊古憑
誰和呼起坡仙次
第賡

次丘太守韻留別高良佐郎中

揖別行行馬首東望窮燕冀入提封雲山落日恐行
客霖雨何時起卧龍漢成月明人出塞胡天雲淨鴈
橫峰離群且莫生新恨人世何嘗有定踪

留評近世作律詩者詞意多工綴但格調或
未免落在晚唐窠臼中此詩一氣呵成雖
不屑屑求工然其格調自別

次山陰分司題壁韻

疋馬西風暮景悲皇華心壯不知疲消愁不恨瓶無
酒排悶應憐篋有詩千室閭閻多凍餒萬家村落半
流移退思亦是觀風責且問監司與有司

山陰道中

使節山陰縣裡來馬前風急起浮埃千山雲暗時飛
雪九月秋深尚疾雷邊塞經營頗牧老

廟堂燮理富歐才先憂後樂吾儒事一寸丹心未忍
灰

廣武驛和壁上韻時九月六日也

宦轍東西到處家故園秋雨老桑麻路長萬里無音
耗節近重陽負菊花廣武夜寒號凍雀鴈門風急颺
驚沙使車未斷紅塵迹徒羨知還幾箇鴉

過鴈門關次林孟仁侍御韻

此關獨立據山隈限隔華夷亦壯哉北控幽州南控
代一夫當險萬夫回千峰如削雲邊出二水潛通地
底來試問英雄守關者寧無李牧出群才

次張邦兆留別韻

雲中聚首絕三日匹馬仍從代郡行仙棹不須嗟郭
泰使星何必卜君平王程不計三關遠旅宿時看一
劍橫再擬春風蘭省約莫教寒却舊詩盟

次周太僕韻兼贈支總兵時在支公席上

便節南行代郡來相逢文武盡奇才將軍韻畧雄諸
將太僕文章照上台萬里旌幢新節制六經根本舊

滋培豈知萍水逢嘉會傾倒尊前未擬迴

支總兵索題劍次周太僕韻

龍泉三尺鎮相隨出匣光芒照斗箕新淬鸛鷀愁
颺舊埋冤獄泣雄雌尚方欲請誅奸佞帳下曾經斬
艷姬見說三邊烽火息將軍持此莫忘危



善用事

代州九日感懷

節近重陽未到家登高何處落烏紗半生宦達樊籠
鳥百歲光陰赴壑蛇謾把愁腸澆紫酒羞將吟髮挿
黃花蕭條不似龍山樂空峯西國憶孟嘉

遣懷

九日招邀太僕家不知身世在天涯敢將惡况悲蓬梗且酌芳尊泛菊花東野桑田成碧海北邙枯骨委黃沙人生到處皆堪樂得失何須更嘆嗟

次周太僕客中九日韻

去年重九長安第兒女團樂酒一尊今日偶逢萍水會故人邀賞菊花根苦吟倦去詩應漉纒飲狂來海欲吞佳節與君須撫掌百年光景一黃昏

次賞菊

今日重陽始肅霜客邊佳菊為誰芳離騷經裡花曾

落靖節籬邊酒正香
觀賞且酌賓主樂
清歌何用管絃長
明年此會知誰在
勸飲須乾百十觴

次九日遣興韻

九日芳尊湏共酌
十年宦轍未能迴
醉來易撼愁城破
誰道難逢咲口開
身世但教如粟里
功名何必上雲臺
秦皇漢武今安在
五柞阿房一劫灰

留別陳德章

上谷迢迢我復過
深情無奈故人何
淒涼夜燭十年話
蕭颯秋風兩鬢皤
萍水不堪重判袂
陽關何必更高歌
浮名勘破皆身外
但保吾心養太和

複為楊綉衣題春陽卷

九重銜

命按三邊衣繡神羊照日鮮兩地山川分節鉞百年
冤獄賴生全胸中生意回天地筆底陽和遍冀燕見
說此春原有脚更施天下澤元元

迥十八盤

飛蓋曉征驛露重弊裘秋綻怯風寒行行曝背三竿
日宵竄關心十八盤馬上有詩聊撥悶擔頭無酒不
成歡茫然不辨東西路滿目江山宇宙寬

題宣府察院冰雪軒壁呈楊綉衣

冰雪軒前足壯觀，我來終日恣盤桓。
秋霜烈日同名節，石竹黃花共歲寒。
萬里澄清看攬轡，九重擊搏任飛翰。
醉來題壁因君贈，撚斷吟髭句未安。

過平刑關

平刑關上此經過，迢迢路稜層綠樹多。
眼底有山皆峻峭，人間無地不風波。
馬蹄退縮臨危棧，雉子驚飛伏淺莎。
欲勒紀行詩數首，不知崖石倩誰磨。

入蔚州

行盡千山與萬山，馬蹄今日蔚州關。
鎮邊樓上開刁

斗

樓在蔚州城內

倒刺山前問大還

此山傳靈仙煉丹所居山在蔚州東

莫莫

風沙連塞外鏗鏘金鼓徹雲間觀風恐未宣
君德感愧中心幾汗顏

繁峙布政分司書壁

繁峙東來駐使旌眼中時事不堪名妖狐晚集迹亡
屋羸卒秋屯遠近營誰進問閭民食惡獨慙吾輩錦
衣榮春風回首彤池上細寫封章達此情

廣靈道中

緩轡徐徐出廣靈馬蹄如割怕峻嶒隘門山險少行

旅

宋時設關
防行旅

天井寺荒無舊僧

天井山有天井寺故址尚有

興廢

百年歸感慨乾坤雙眼小鯢鵬滿前景物憑詩書其

奈愁多賦未成

過蒙恬墓

西北精兵閫外麾將軍一死竟何爲只緣峻法基秦
始不是奸謀中李斯二世山河隨逝水千年臣節重
民彞路人指點荒墳處欲采溪毛一奠之

望應州城

健馬行行喜駿奔應州城郭望中尊南山峯嶂瞻龍

首

山名在應州北山之南

北嶺繽紛認鴈門

山名在應州南山之北兩山相望故

昭滿路霜風凋玉樹一行歸鳥送黃昏四方秋矢男

兒志落日驚沙莫斷魂

宿應州公館

晚入金城駐使驂青燈相對與誰談山城怕聽笳三
疊客思須教酒半酣孤枕夜寒淹旅夢五更霜冷憶
朝參覺來却問明朝路見說山陰又向南

次深井驛宿

數鞭羸馬來深井始見人烟此地獨四面土城依古
戍千家民物異中州驛樓風急聞宵柝土炕衾寒覓
褰裘終殺五更鷄復唱可能殘夢到南州

復經宣府途中

風霜日日困邊隅

王事寧辭此病軀上谷山川重在目沙場塵土半沾
鬚彎弧射虜憐驍將決策安邊屬老儒歸馬蕭上諳
舊路前程何必問官奴

渡桑乾河

我欲思歸畏簡書燕乾河上獨躊躇馬蹄躑躅寒冰
滑鳥雀淒涼古木疎妻子每懷燕市寓夢魂長繞越
山廬咸陽客子忘情甚直指并州作故居

登宣府鎮朔樓柬劉遊擊

元戎乘暇費招呼聯步登樓興不孤鎮朔有名齊斗
柄陰山無警寢兵符黃沙磧裡看胡馬紅日光中望

帝都料得將軍似克國金城方畧上新圖

謝蔡少監惠黃鼠

秋深黃鼠肥堪愛玉食東南更若何滋味有時勞魚
炙芳甘何必假調和河豚博死聞坡老熊掌勝魚見
孟軻二妙方來渾不似筠籠松惠一何多

別李致敬同寅

君寓宣州我復京臨岐不用唱離情邊儲自是懸君
筆經畧還應愜衆評南鴈須傳千里劄東曹莫朽百
年名佳聲不必鐫金石專聽人言即是銘

歸途偶成

了却公家便欲歸今朝行路敢睽違尋常衣染黃塵
弊一寸心先白鴈飛萬里關心悲紫塞五雲回首是
王畿旋旌竊喜身無恙更賀邊城羽檄稀

靖邊偉績

皮裏陽秋公好惡胸中兵甲濟時艱先聲已落奸雄
膽奏捷偏開

聖主顏歸士有歌賡采芑腐儒無頌獻平蠻邊氓遍
樂耕桑業刀斗無聲劍戟閑


次丘蘇州宮詞二首

花開花落自年年薄命生來敢怨天長信門前春草

合望仙樓上晚粧妍監宮閉戶收雙鑰侍女籠燈照
獨眠猶勝漢宮人出塞夢魂容易到君邊

又

莫道宮中離恨長人間無地不炎涼越羅敢忘君前
賜秦鬟新添鏡裡霜赤鳳不來愁漢燕前魚將棄泣
龍陽千金羞買相如賦白首長門也不妨

 二詩守已安分可謂一飯不忘君矣
關恩十首次代內贈韻

別來誰是置書郵恨不隨君塞上遊玉蘂有花羞插
髮金罍無酒可消憂東風冷節人長瘦細雨重門燕

亦愁底事歸期盡虛語幾番臨鏡候梳頭

又

年年烽燧照邊郵飛輓憐君萬里遊錦被易寒長
火玉書難寄每增憂小姑窺幔時嗔睡幼女牽衣不
解愁頗覺別離心獨苦為誰膏櫛此蓬頭

又

計程今日到西郵不負男兒擁節遊上國幾時歌杖
杜北堂無地種忘憂麒麟畫像君應取燕子離居妾
豈愁却咲南隣征成婦望夫山上數回頭

又

昨來音信自邊郵又報車輪趙代遊
遠道風霜須自愛高堂甘旨未宜憂
生憎烏鵲空傳喜長羨鴛鴦不識愁
我欲裁書答君子薄情邊鴈不回頭

又

轉眼光陰速置郵天涯歲晚尚東遊
婦人敢怠閨中職夫子須先天下憂
織錦謾論新舊恨封書聊慰別離愁
傍人未會儂深意知道因風寄白頭

又

夫婿乘輅走傳郵三年兩度白登遊
獨賢不辱君王命萬里無煩賤妾憂
薛媛詩中雲鬢改崔徽卷裡翠

娥愁臨行記得丁寧囑堂上春風有白頭

黃詩上四詩傷君子之別而不忘忠孝所謂
發乎情止乎禮義者也

又

憶從旌節赴邊郵無復花時事劇遊紫燕黃鸝撩妾
思櫛風沐雨為君憂歸鴻浪說能傳信謾草誰云可
療愁聞道旋車新奏捷午門爭獻月支頭

又

作客頻年赴遠郵又傳舟棹五陵遊尺書不到成孤
悶小婢強前寬直憂沉水香銷爐鴨冷畫眉人遠鏡

鸞愁寒衣欲剪今寬窄匹錦全封寄龍頭

又

嫁來曾不識南郵昨夜分明夢遠遊
柳葉桐花江上路瘴烟蠻雨眼中憂
歸期有約即應至卜筮無憑妾更愁
會合幾何離索久不如雙燕傍池頭

虞美人 思之深憂之切而無異心詩人性情之
正因可見矣

又

欲把封書托置郵恐郎忘却舊同遊
年年玉枕曾傷別處處青樓不解憂
蟬翼好如君薄倖鯨波堪比妾

深愁相思可奈雙鬢雪更不饒人日上頭

劉夢錫數詩莊重典則綽有風人佳致豈但

閨思而已

客中寒食感懷

南北相望萬里天七逢寒食益懷愁
草心有淚悲遊子
來飯無因灑墓田
金部催科無暇到
粵山把菊定何年
門前偶遇羊城客
為我傳書阿姊邊

寄桐廬尹何汝玉

別離容易合并難
豈料桐江半夕歡
王事朝昏空頓首
宦途荊棘轉辛酸
潮回七里灘
流急霜落十山石

影寒寄語故人莫懷抱廟堂今日重郎官

次楊景昌韻二首

一自鄉書薦廟堂十年盡省愧含香風雲天上心徒壯猿窟山中夢亦長竊祿未辭三鼎富催科敢憚一官忙我行薊北君居粵人事音書隔兩鄉

又

憶昨磨礪共講堂至今蘭蕙有餘香別多易覺新愁積紙短難書舊話長五鼓聽鷄起

曉旦終朝流涕在公忙相思千里君知否十度封緘

寄故

次葉浩然韻四首

旅食長安春復秋憶君高卧在林丘十年塵土燕雲
外兩屐烟霞越嶺頭靖節有詩思入社仲宣無賦倦
登樓炎風朔雪遙相隔消息多煩寄水流

又

莫向西風怨不平微君高義付鄉評萬年宇宙皆吾
舍一束詩書了此生少室高居非索價瀟陵深隱豈
沽名自慚苦被浮名縛安得山中共此情

又

夜月衡門掩翠蘿
有年出處在中和
題詩頗欲無
一語

日抱腰長吟五噫歌蕭散人間真自得榮枯身後更
誰多先生詩思濃如酒倡和須尋水部何

又

鹿門深處有柴扃不是劉郎舊所經一榻清風庭草
綠百年高隱竹書聲英雄不博詩千首世事何如酒
半醒此日低頭拜東野從今人仰少微星

次李商隱無題韻四首

曾向驪山訪舊蹤朝元蕪沒不聞鐘請看學道人何
在始信刀圭味不濃玉宇春風回病草丹臺秋月照
芙蓉從今悟此長生術休上蓬萊第一重

又

太史遺編細讀來
紛紛群議甚如雷
謾譏陽子上書
晚更笑陳湯斬虜
迨此日降戎真上策

清時鳴鳳仗多才
坐看今古成何事
袖拂青萍念未
灰

又

三十深閨欲嫁難
鏡中不為色摧殘
憂懸漆室心如
醉目斷蒼梧淚未乾
有約儘教金步煖
無媒寧忍翠衾寒
標梅風致周南裡
撫卷燈前子細看

又

憶昔江南泛綵舟，太平風月漫夷猶。
嚴陵臺上留連賦，武穆祠前感慨留。
北固放歌山月曉，西湖濯足藕花秋。
如今再擬經行處，只恐風波易白頭。

復次無題四首答李時榮黃門

碧蘚駸駸舊履蹤，景陽無復更聞鐘。
春辭欄檻花光暗，日射交疏樹影濃。
淇水肯教遺芍藥，越江空憶采芙蓉。
芳心自是多貽阻，不道瑤臺隔萬重。

又

深院無春燕不來，羅幃日晚但蚊雷。
金城路遠書難寄，玉枕寒生夢易迴。
歸漢胡笳空寓恨，傷秋絢扇獨

憐才高樓極目相思濶敢道芳心久已灰

又

暑去寒來會晤難芙蓉花發石榴殘夢回長信金根
遠人去龍沙玉筋乾桂子倚雲礮露重女蘿延蔓挾
霜寒玉顏久謝朱鉛飾只恐傍人作俗看

又

燕代車輪蜀水舟英雄無地不夷猶歸期又逐新春
過交佩曾於去日留畫戟清香公府夜翠屏紅燭內
家秋亦知夫婿封侯好何用傷春柳陌頭

冬至遣懷次畢宗仁用老杜韻

長恨流光暗裡催又逢小至客邊來衰顏縱酒生春
色壯志憂時未死灰日影或遺南苑地陽和不到北
枝梅柴桑老子何蕭散爛醉乾坤幾萬盃

秋興次畢宗仁韻

平生不解賦悲秋萬古乾坤入醉眸滿腹詩書糟粕
子百年身世土饅頭青山泉石元無恙白髮功名便
合休却憶故園新隱處遠籬松蘿長春桑

贈馮克明判永州先任湖州

甘棠舊種若溪上別駕新乘永水涯展驥可能淹半
刺捕蛇今已復千家本州人昔捕蛇柳厚有說今及之黃金臺下開

春宴青草湖邊醉晚霞見說此州好風月可能分此
到京華

過婁憲副蓮塘書屋留飲賦詩以韻奉荅
再到蓮塘髮欲絲風光翻勝十年時
鷺飛魚躍池中景翠竹青螺畫裡詩
却恨酒盃欺量淺不嫌山鳥咲
歸遲尊前且了平生話分付將車草漫馳

又

促席傳杯嚼藕絲蓮塘歌酒會君時
羅浮竹屋頻年夢關陝風烟到處詩
時安公往陝西提學故云筵餘堆盤肴亦美
唱酬刻燭句休遲若為庾嶺逢春日
先折梅花付驛驛

馳

次左時翊遊天竺韻

路盤山徑轉，霏微濕翠霜。紅淨晚暉，萬古東南天竺。
盛十年塵土賞心違，鴛鴦殿後空題句。南北峯頭且
振衣，此景欲吟吟未了。落霞孤鶩又齊飛。

桂軒藁卷之六

桂軒藁卷之七

奉議大夫兼翰林侍講經筵講讀官廬陵宣溪學士

賜進士奉議大夫戶部郎中南溪劉忠評
奉議大夫江西按察司提學僉事莆田黃仲昭重評
七言律詩

次張綉衣用和述懷韻五首

幾年持斧內臺行風裁何慚白馬生
避俗輒焚新諫草調羹何必舊時鐫
世情似奕成還敗氣勢如瓶滿
則傾今日請君高着眼誰榮誰辱謾教評

三
非勘破世情者不能到此

又

宦轍吳行復楚行十年塵土謾勞生胸中且斂舊兵
甲席上旋開新鼎鑄鼓楫東溟知水濶振衣西華識
天傾生平俯仰都無愧任你元龍細品評

又

舍則藏方用則行聖賢事業在書生渡江誓擊將軍
楫聞勇猛扛力士鎗千里雲山嗟獨往百年心素向
誰傾眼前莫道無人識千載是非人自評

又

潯陽江上送君行漢室終當召賈生逐客檐頭書數

卷陽關聲裡酒三鎗君應恕我踈慵久我亦憐君氣
義傾躍馬卧龍成底事不知今古幾人評

又

昔燕櫻桃

帝里行紱微執法慰平生

君恩浩蕩三江水世事低昂兩足鎗去國夢魂仍戀
闕入柳剌庶望扶傾臨流珎重無他囑往事逢人莫
漫評

蒲

感慨中有和平之氣送遷客詩此最得體

漫興三首復次前

幾迴山轎雨中行重九總過百恨生黃菊有花簪短
髮白衣無酒覆空罇九州誰拯蒼生溺一木徒支大
厦傾見說廟堂夔契在經綸安用腐儒評

又

臨秋一曲放歌行笑傲乾坤過此生老去逢人那按
劍狂來杯酒飲不須鐙風雲忝逐群龍化文采曾令一
座傾醉後題詩三百首九京欲起大蘇評

又

待漏長安拂曙行十年京國記平生聯詩東署分霜
韻煮茗西隣借瓦鐙身外功名須勇退笑中刀劍最

相傾淵明亦是知幾者綱目書中看品評

次倪韻荅立蘇州三首

北風獵獵雨絲絲東閣相逢話許時賓主且歡尊有

綠江山休咲我無詩松筠舊隱歸應早時立公已致仕矣桃

柳新知樂未逢時立公新納寵今日葛溪如有約扁舟東下

又同馳

又

百粵荒廬生網絲紅塵奔走許多時室無拙婦長藏

酒途遇先生數贈詩南客懷歸心耿耿北風吹水棹

蓬蓬憑君寄語饒州守時李壯直在歲暮天涯尚載

又

財賦東南似繭絲民勞又值轉輸時廟堂累
詔曾蠲稅閭巷何人復采詩行路有歌心靡
上寬民無術意遲上素食已負清朝祿敢望

君恩勞載馳

客愁

半繁心緒半攢眉日日窮途我輩隨凍雨打蓬孤燭
夜異鄉聞鴈五更時王侯豪俠君何畏客邸飄零獨
見欺試問阿誰能慰我青州從事是心知

舟中口號

急雨敲篷泊淺灘。今朝行路始知艱。亂流側畔千堆石，飛鳥前頭萬點山。原北水枯芳草歇，江南冬煖弊裘閑。何時脫却朝衫去，散髮扁舟任往還。

後次老杜長至韻

鬢髯添白老將催。客邸仍看小至來。君子道長時復泰，黃鍾氣暖管飛灰。樹頭雪壓還留橘，江上春先已報梅。鄒子泊舟沽市酒，不妨微醉兩三杯。

再到鍊柱宮

黃金臺上將

君命鍊柱宮中駐。使幢亭上未瞻徐。孺子祠前先拜

許旌陽鳴鍾聚食黃冠百繞樹將雛白鶴雙此地從
來最幽僻洞房三借亦何妨

漫興

了得公家剛歲暮客途歸計尚留連渚雲汀樹幾千
里淺水長洲百丈牽時鑷白髭臨古鏡忍看新曆換
流年到門正值

王正月好頌椒花小酌前

遊惠山寺次秦方伯韻

見說山公不姓支可人儒雅亦堪師雲霞長護占名
刹猿雀爭迎老往持僧供旋烹新竹筍鵲巢還占舊

松枝來遊此地詢興廢方伯文章即是碑

次同寅陳吉夫雪詩韻四首

紛紛玉花天地明衾裯便覺凍烈生聚星堂上有佳
句煖寒會中多宿醒幽人乘興訪剡曲將軍侵夜入
蔡城臺端更喜勸敵栢挺然蒼蒼翠何其清

又

欺梅妬舞足輕明何處尋詩興倍生白屋號寒無宿
火朱門縱酒有餘醒玉龍繚繞黃金闕銀海周遭鑊
鑊城咲我非才真強和簡齋吟骨逼人清

又

天地光搖奪曙明
閉門僵卧嘆衰生
藍關逐客愁得
馬金帳麝人病宿醒
凍合已平三义路
花飛不到五
羊城
西湖尚憶孤山趣
併與梅花一樣清

又

雪花如掌攬空明
陡送寒威半夜生
我喜萬家占宿
麥誰將五斗解餘醒
兗國授簡憐司馬
驢背裁詩付
管城
冒曉起看風紀地
瓊臺銀樹不勝清

寄李德裕同年

客館張燈擬論文
我來何事不逢君
九江道裡愁聽
雨
望峯前獨看雲
聯句尚懷高閣會
襟花白

年群端陽更擬洪都約白酒紅菱角黍新

次杜進士還朝詩

春日傳臚燕禮闈秋風將

命出金闕西江文獻歸甄錄南國山川屬品題五老

峯前回綵鷁雙龍闕下聽朝鷄

臨軒若問觀風事

聖化于今變魯齊

次前韻送陳進士

弱冠登瀛試粉闈新裁宮錦籍金闕纂脩手筆同燕
許璀璨文章照魯齊南國觀風春駐馬東華待漏曉

聞鷄報恩寺裡重經處細認籠紗是舊題

徐用美邀賞海棠次馮佩之韻二首

紫綿一樹絢明霞清賞招邀孺子家西蜀移來原有
種東風開後更無花金屏綉幄紅光漏宿暈殘粧燭
影斜定惠幸遭題品後紛紛紅紫莫爭誇

又

坐對名花酌紫霞不須歌吹起隣家謾憐有譜傳承
相獨恠無名到浣花雨濕胭脂嬌欲滴月低臺榭影
初斜化工幻出天然色中酒佳人未足誇

送李憲長入覲一首

幾年持憲肅清高馬足飛塵入

觀勞供帳舉杯歌伐木郵亭張燭看豪曹東南疲弊
新封事西北風霜舊豸袍遙想玉階三祝後太平
天子特恩褒

羊城別意送嚴鴻臚還朝

華節亭前把酒卮丈夫忠孝足瑰奇正當南粵宣
恩後又是西江便省時千里浸淫無稼穡萬家村落
有啼飢區區離別何須賦此去煩君為采詩

謁岳王墓

聞外傳征豈不知精忠心事竟難移擔全天地君臣

義不計吾家父子危王塚有田鑄大節宋陵無主醉
芳卮枯香再拜祠前像尚想中原報捷時

遊西湖呈陳水部

湖上乘船五度過舊時風景此山河蘇公堤古墓烟
碧浦老宅荒秋水多沙鳥驚飛卽署旆山禽如和美
人歌清時堪賞還堪喜髮未成絲面未婆

有昆體風度

秋興次梅文淵韻五首

北風吹斷木犀枝物色無時不繫思今日正須憐西
突此身何必咲支離投箸誰復王官隱流涕深知太

傳悲見說朝陽有鳴鳳豈無封事獻

彤池

又

秋堂枯坐不聞譁世事悠悠付嘆嗟
關陝日聞塗有萼幽燕仍惜黍無花
寒天短景催華髮老樹悲風聚晚鴉
嘆我浮生渾不定使舟明日海東涯

圖評

情景俱到

又

客窓睡起首如蓬一枕邯鄲夢未終
短檠亂飄梨葉雨征袍涼入蓼花風
髮衰頭上難饒白詩滿囊中不

謂空欲問松楸無恙否鄉書何處託飛鴻

又

秋來強放旅懷寬越海鷗盟想已寒萬里風波還作
客十年塵土倦彈冠炎風朔雪牽愁濶野哭隣鷄攪
夢闌却羨忘情沙上鴈荻花烟雨此身安

八句停當

又

奉使東南豈浪遊廿年

君寵可能酬也知天子此身大敢道吾生泡影浮邊
塞何年還衛霍朝堂今日相伊周江湖日日愁思結

誰任安危為

主憂

復次前韻一首

天地何人怨不寬苦吟長嘆孟郊寒坐臨秋水猶堪
濯醉倚西風不整冠江上月明誰弄笛天涯入遠獨
凭闌不才竊祿成何事只合東山老謝安

奉和陳少叅偶成韻兼申謝意

秋堂夜酌酒如江又聽吳兒白紵腔嘉會為君留使
節狂吟撩我寫東窓探囊不咲之青銅百報德慚無白
壁雙傾倒不知潮已長水工催我上解纜

善押韻

次張天瑞答陳少叅

兩浙江山十度遊平生欲與古人侔
紫微分署留連飲巖子高臺慘澹秋
龍簾鳳笙

天上夢疎燈微雨驛邊樓行行不為
征求急西北烽烟滿眼愁

忠愛

次倪學士韻答莊孔易

側聞世事亂如絲不似山中掩耳時
俗子豈知黃犬嘆先生獨賦白駒詩
少歸栗里猶嫌晚老識荊州未

恨遲回首定山空
抱愧西風塵土日奔馳

次韻答邵文敬

秋風吹斷綠楊絲
醺酒臨江送我時
出使幾時還使節
憶君長日把君詩
雲遮北望瑤京遠
水淺南河絲鷁遲
超走王程身漸老
海波東逝日西馳



上三詩俱穩當

次韻答王憲僉宗吉

登堂再拜髯都絲
舊話方濃又別時
滿目江花南浦
賦百年忠憤北門詩
秋空秉燭還疑
夢風雨兼程未

謂遲

國計正勞

當宁念五羊歸思敢先馳

次韻答徐太守

重逢幸未髮成絲西水樓前駐節時

魏闕風雲勞我夢嘉禾山水盡君詩
僦科心苦趨程急話舊情多解纜遲
自古男兒天下志不妨吳越日交馳

答呂秉之郎中

節儉何勞詠素絲回仙聲價重清時
思親戀

關年年夢薊北江南處處詩着足龍門翻恨晚低頭
東野未嫌遲皇華四馬叨同使日夕應追驥尾馳

次韻答張東海

大廈歸來髮已絲慶雲書舍適情時教兒但讀先秦
典代食唯歌大雅詩謾喜田園連歲熟莫嫌稚子候
門遲白頭金紫還堪咲車馬紅塵日夜馳

次劉巡按韻

從事何曾怨獨賢東吳西浙舊因緣身馳水陸三千
里心在雲霄尺五天客路風光催我老故山塵榻借
人眠進賢館裡停車晚放面霜風折短髯

述懷

客子光陰似轉環，髮毛不為朔風斑。
酷憐杼軸空東國，敢謂賢勞賦北山。
短述也能消永夜，濁醪未必破愁顏。
鄉閭便道知何日，先遣音書附鴈還。

過楊子江

擁節元非汗漫遊，嚴程千里敢淹留。
中流未擊將軍楫，淮水先乘使者舟。
官簪天雙蟠螭，輕傍我一沙鷗。
逢人若問過楊子，曾駕長風破巨流。

吉水分司偶成次憲僉黃九成韻

公堂退食有餘清，敢道催科此政成。
未忍東南頻督

賦只緣西北未休兵愁增髮雪光陰老事攬心旌感
慨生憂契功勲今尚在世間誰謂是浮名

次黃山食韻

艤棹特來登懷閣西風兩腋暮秋晴幽清暫息百年
慮宇宙且開雙眼明板蕩忠臣詩慷慨風流太史墨
縱橫孤標萃嶂遺碑在應與斯文作主盟

夜抵進賢寓景道懷次黃九成龔憲題壁韻
使客東行莫憶家馬蹄聲裡度年華秋波浸月江鋪
練木葉欺霜血染花問俗問閭詩易采忍寒村店酒
難尋尊罍未得如張翰一載京塵撲帽紗

磻溪寺感懷次韻上韻

驅車非為急，征求直北幽。燕秦未收羽，檄西風頻報。
虜邊兵，今日正防秋。窮途迢迢，誰青眼古寺荒涼僧。
白頭感慨，滿懷何處遣。謾將詩句壁間留。

蜀詩

詩之變小雅也。讀此可以知世道矣。

抵會江

朝發桐江暮會江，風波熾熾喚客心。降斜陽天際去帆，
南老樹梢頭歸鳥雙排闥。有詩裁夜燭，澆愁無酒瀉。
秋缸明朝又過錢塘去，銀浪堆中泛巨航。

紀夢

風雨孤舟夢細君相逢還是舊慙慙
龍涎火烘雙被綉閣懸燈刺五紋舊貌尚留前日
醫病腰猶束嫁時裙覺來離恨知多少屈指東風十四春

寄過太璞憲副

幾年憲府舊同袍
袖歸來便養高
彭澤俸錢償酒債
半松烟月戴漁舸
商窓寄傲輸君樂
北地風沙咲我勞
欲放小舟重會面
不堪王事日忉忉

寄鄭時用黎景昇二別駕

舟過嚴瀨思時用
月上蘭溪憶景昇
咲我蹉跎三尺

法看君清江兩條冰有詩滿篋開懷抱無術隨時任
愛憎放棹山陰今日乃論文京國昔年曾

和敬先生雪詩韻二首

一雪西江萬類奇曉來簾外更霏微光搖天地月無
影凍合川原鳥不飛一聯絕句猶有蒼苔可堪分玉
屑讀書誰復賦寒輝問問凍餒知多少敢道嚴威入
豸衣

又

斜斜整整正不勝繁獵騎繽紛走濕原古徑漫平人跡
滅老松擎重鵲巢翻臺前拒敵誰留栢堂北凌寒更

有說不獨霸橋詩思苦藍扉遷客正銷魂

又次前韻二首

銀盃綃帶狀多奇一色乾坤掩太微越女肌膚休妬
白謝家庭院謾交飛萬人鼓舞占春麥五夜光芒奪
暘輝憶得東華寒待漏玉龍千丈晃朝衣

又

入幕輕明撲地繁失蹤狐兔滿郊原人間玉樹春粧
點天上銀河夜倒翻欲逼少陵險處潘髻斜
侵吟阿可漁兼堪畫付張護鄒枝已去相如老誰賦

梁園為返魂

王司用事親經而有感

題毛文圖三首

非愛山中日月長。嬋娟那忍逐降王。雲屏石枕梅花
夢。春雨秋風。嫩葉棠。龍腐沙丘悲帝子。路迷蓬島咲
徐郎。洞門深鎖。春長在。不管人間變海桑。

此詩不假雕鏤而自工視晚唐諸家句
煨日燠者不侔矣

又

一別秦城遠世氛。青山為伴鶴為群。承恩不記阿房
日。採藥長穿華嶽雲。溪葉青紉新佩子。山花紅似舊
羅裙。仙源恨隔漁樵路。誰在誰亡總不聞。

送陳監博

昨夜誰占使者星
洪都今日駐雙旌
獨賢心壯擣玉事
三絕名高共阿兄
瀑布泉頭聊濯足
望湖亭上謾題名
孤舟又向章江別
江水江花不盡情

送王舉人春闈

子上春官惜別筵
功名須似古人賢
榜登龍虎唐韓愈
策對天人董廣川
九萬雲程鵬翮健
八千岐路馬蹄穿
春風得意長安陌
好把泥金帖子傳

題吉水分司月月紅一首

月月紅開如有約
四時顏色染丹砂
沉香亭北妒妃

子結綺樓中失麗華為藥便從春後老海榴抵合暑
前誇雖然堪賞也堪惡恐奪霜臺石竹花

龍泉分司次黃九成韻寄陳吉甫

人靜甚深思獨幽讀書兼律足銷憂雨饒石壁苔花
厚日午磚堦樹影稠客子光陰過四月鄉園桑梓夢
孤舟東西奔走紅塵倦此足何年濯粵流

元日寫懷次敖先生韻

後飲屠蘇我半酣衰年五十又加二鬢毛有雪何須
惜吾道無聞始可慙今日椒盤新歲頌昨宵燈火去
年談誰憐宦海沉溟客春雨松楸憶嶺南

次黎別駕景昇歸休韻二首

不逢叔度幾經春
咲我胸中半俗塵
千里行囊雙屐
首五湖烟月一歸人
功名富貴非吾願
鍾鼎山林只此身
回首且尋陳太史
白沙新水是通津

又

朝市奔趨二十春
粵江迴棹洗腥塵
雲泉似昨寡輪
鞅松菊如今有主人
紫蜺青螺澆白酒
蒲葵木屐稱閑身
區區白首何為者
宦海風波尚問津

次聯句韻奉答王世賞先生三首

數十年長別
離魂千里兩相思
愁多投酒休辭

酒性僻耽詩愛說詩哀柳秋高蟬抱葉疎林風緊鵲
爭枝人生見面卽良會只恐相期又過期

又

秋水蒹葭共客舟曲江歌酒昔同遊君看世事慵開
口我憶鄉關怕倚樓彭澤官閑猶戀晉漢廷功了只
封留英雄回首真仙子何必三山與十洲

王評可以激俗

又

江上相逢話最長盤盂飡草上酒茫上衰年更坐詩中
腹豪氣因非醉裡狂遠道未應悲斷梗美人猶自隔

殊方重來握手何時節又是春風燕語梁

寄劉麥二詩友

幾回對月思廷秀千里逢人問用之願我簿書終日
冗憶君詩律老年奇宦廬空濶留雙眼嶺海崢嶸繫
寸思三十宦遊今五十素餐無補負

清時

次沈月屏先生見寄韻

門下曾瞻矩範回盛唐風骨少陵才經綸有志豈長
往軒冕無心任倘來千亡詩豪劉禹錫百年師道呂

東萊先生附御節無愧茲情霜雪在襟懷

贛州分司夜坐偶成

作客江湖過十秋
西風今夕又虔州
青燈照我猶疑夢
白髮欺人故滿頭
馬祖巖前雲似墨
虎頭城上月如鉤
行踪自咲渾無定
明日明年何處樓

評

是詩警絕超邁已入盛唐之閫奧矣

春閨詞

何事年年別藁砧
東風庭院獨沈吟
落花飛絮牛愁寂
燕語鶯啼春色深
畫錦莫停桑下節
冰清休拾路傍金
相思相見知何日
且傍花前看玉簪

秋閨詞

颯颯秋風吹錦樹砧聲不斷思綿綿玉人一別十年
久青鳥不來雙眼穿綉被夜寒桐葉雨銀屏霜冷菊
花天滿前景物俱無賴斷送離愁到酒邊

王師 語意精到

次曾大尹見寄韻

邂逅相逢庾嶺前我曾刮目識君賢人情反覆萬千
狀消息稀疎十五年翠竹幽居歸蔣詡枯槎滄海老
張騫重來嘉會知何日汀樹江雲各一天

又

客途寂寞小春天僕從山興未應消壯志未應忘報

主非才終恐負經術商彭老去難回少西子哀來也
避妍今日尊前且歡謹共將風月入吟邊

後九月九日

西風兩度重陽日客裡羈懷強放開黃菊秋殘堪再
摘白衣人去不重來遊山不着謝公屐抱病誰登杜
子臺今日狂吟聊遣興尊前何用苦敲推

次韻答世賞先生

花滿宣溪柳映門玉堂學士老江村溪頭洗足水光
淨門外捲簾山色繁

五鳳樓臺懸夕梵四時風月役吟魂尊中有酒且斟

酌塵世茫茫何足論

再次前韻奉德馨同年

螺川驛裡勞相送日暮乘船過水村性敏看君公事
了才慳覺我簿書繁枕蓑謾憶山人睡剪紙誰招旅
客魂二十年来新舊事篝燈曾記一宵論

有懷德馨世賞二同年

宣溪英邁沆靈豪萬里青雲兩鳳毛握手始為三日
別相思翻覺寸心勞在時事業卑王猛垂世文章咲
楚騷坐掩船窓對孤燭何時尊酒賦同袍

奉次世賞內翰見寄韻

建康集卷之八

玉堂文會幸追陪懷抱十年今始開對酒有時還看
劍尋詩無日不登臺霜前白鴈催寒至江上濃雲挾
雨來欲識先生奇絕處西都文字退之才

又

江上奇逢半日陪胸中茅塞一時開論思有道宜東
閣擊搏無能負外臺急雨鳴簷南鴈下去帆添腹北
風來我聞

聖主兼賢相肯放宣溪老此才

次王顧二郡守聯句韻八首客中聊以自遣
鄉思撩人酒破除宦情於我復何如百年聲利紅塵

裡一枕邯鄲曉夢餘。王謝衣冠身後土。韓彭勲業釜
中魚。世間寵辱渾閑事。消得莊生一卷書。

玉評此語能喚醒人

又

豪氣消磨客氣除。今人曾不古人如。書生事業期韓
范。市井交游咲耳餘。去晉便能輕爵祿。歸吳端不為
鱸魚。尋常子史消長日。懶向人間索異書。

又

詩癖中年苦不除。漢庭老吏我何如。庄廬夜月登臨
外。花鳥春風拾餘船尾。汲清煎綠茗。度頭沽酒樽。

江魚狂吟長短三千首燈下科頭赴醉書

又

不用人前羨羨除長楊無賦老相如三千客路青山
外五十光陰白髮餘度嶺嶮巖慙倦鳥臨池閒散愛
遊魚時行時止皆由命羞向侯門賣薦書

又

馬蹄南北又東西滿路春風綠草齊濯足洞庭十里
碧振衣廬嶽萬山低廉夫不憚貪泉飲好鳥生憎惡
木棲我有龍泉時起舞中宵應不為聞鷄

又

肅政堂前日欲西爭鳴雙栢鳥聲齊幾番驟雨打簷
急四面濃雲壓樹低楚水風烟新即序粵山松桂舊
依樓擁襟正想羅浮伴紙帳梅花夢後鷄

又

客館青燈雨瀉簷無詩空坐筆慵拈蝦蟆亂躍還依
草蝙蝠交飛不碍簾黃菊酒邊思靖節紅塵堆裡老
江淹浮名廿載成何事年歲偏驚曆尾添

又

無梅索笑懶巡簷坐對名香手自拈賓館有魚誰鼓
鉞訟庭無吏即垂簾形容漸老鄉音在嶺嶠偏長旅

夢淹問我客邊何所樂錦囊風月有詩添

王和險韻畧不為所窘方見學力

雩都舟中作

宦轍年來已倦遊風烟徒起望鄉愁玉堂天上無青
眼案牘叢中欲白頭貢水漲平新雨過雩山木落曉
風颭紀行欲藉詩人句安得當時趙倚樓

秋日會昌山行

終日肩輿不少停一山過去一山迎路盤青嶂頂頭
出人在白雲堆裡行蔽日深林含宿靄隔溪啼鳥弄
春聲宦遊奇絕此為冠句不敲推信口成

次顧太守思親望鄉詩韻二首

目斷先塚愁落暉淚滴不到泉下扉梨花麥飯負寒食春雨秋風荒壠薇親恩誰不百年痛

君命我敢斯須違可憐金紫縈被體爭如前日編爛衣

右思親次韻

驛樓一上開客顏思家何必雙淚潛坐觀天地皆逆旅閱盡今古惟青山故園橘柚千萬樹白雲草屋八九間眼前咫尺不得到隔溪笑入雙鳥閑

右望鄉次韻

謁忠節祠次顧太守柳別駕聯句韻

忠節廬陵詩古祠皎如日月要人知死生去就皆臣
道治亂興亡不共時先代碑文苔蘚蝕顏垣春雨薜
蘿垂觀風特此瞻遺像慰我平生幾仰思

又

稽顙祠前肅敬心堂上不改舊朝簪數公元氣在天
地一樣清風自古今但仰高名冠青史不須遺像鑄
黃金出門上馬頻回首雲護長廊碧樹深

鬱孤臺次諸公韻

六年四度按虔州不事區區問喘牛三尺敢違
天子法一官長愧釋之流眼中人物非前度檻外江

山似昔遊望

關思鄉更無限不堪重上最高樓

又

觀風重上鬱孤臺景物於人獨快哉萬井烟花都是
畫百年懷抱亦須開虎頭城對崆峒秀羊角水通章
貢來我趁公餘時一眺壯觀休道小蓬萊

王宣溪讀至此有云潯暑南窓坐若痴起披
紅繭看烏絲虎頭羊角無人道都付先生
兩句詩

右次憲副韓公賜韻

宦海頻年作遠遊故山誰伴菊松幽孤雲無意還栖
石二水多情亦合流士雅誓江曾擊楫庾公愛月每
登樓古人已遠休惆悵嘯向斜陽天際頭

右次方伯何公宗易韻

百雉孤城數仞臺眼前好景胡來哉山頭古木撐雲
出谷口長風捲雨來使者謾憐東國賦閨人休賦南
山雷江湖心思憂如結強把離懷對酒開

右次僉憲陳公粹之韻

次內翰王世賞見寄韻

非才不敢負明時不是三宜即二宜泉石養恬輸野

老簿書流汗咲痴兒家無楚客千頭橘囊有宣溪
百首詩再擬螺川尋舊約放歌載酒莫愆期

又

位重望高人共羨官貧能薄錢相宜夔龍在位寧憂
世賢否從天捲付兒千日獨醒非惡酒一生長瘦不
因詩劉郎莫道花期隔猶有玄都觀裡期

又

湖山無地不經過太華峰頭瀚海波老眼謾勞觀鬻
子奇功何必奪蓬婆萬場官貴知誰在半紙功名柰
我何耳熱酒長一咲咲他白石夜中歌

又

客裡光陰五十過，每因名利却奔波。老休北里買嬌妾，寒即南隣借腳婆。文字直須追董賈，詩家長咲步陰何。沾襟謾想柴桑老，賦得閑情對酒歌。

玉溪書樓次太守顧天錫韻

入寺高閣倚長溪，萬卷窩中愜所棲。春水池塘蝌蚪鬧，暖風花竹鶉鴂啼。香飄丹桂姮娥近，光接青藜太乙低。借問先秦書在否，縹囊月露不堪題。

天香書屋為趙蘭完別駕題

桂花叢裡構書巢，芬馥天香壓露梢。幽獨羞隨桃

李伍清妍不變春冬交義文大易心先契孔孟微言
手自抄卜筮他年如許我移家千里旋誅茅

臨江雙力寺次李貞伯韻奉答世賞內翰
到處觀風是勝遊偶逢蕭寺使尋幽謾參貝葉經中
語且憩菩提樹底秋鈴鐺送風來綺席江雲將暝入
僧樓更看學士題詩處猶有奎光壁上留

月槎次卞華伯韻

吳中有客神仙流夜月乘槎海上秋直過崑崙尋禹
穴又從河漢問牽牛三山縹緲蓬萊近萬水蒼茫島
嶼浮一自君臣占斗後幾人高興共君不

桂軒藁卷之七